

## **Meistä**

BUP Stokholmi on specialisti palvelu, joka on osana kansalista terveyspalvelua Stokholmin Läänissä. Met tarjoama tukea ja hoitoa lapsile ja nuorile, jotka on 0 ja 17 vuositten välissä, jotka tarttevat specialisti psykiatrissa apua. Tällä sivula sie löyvät tietoja meistä käännettynä engelskhaan ja viitheen muuhun kielheen.

Jos sie otat yhteyttä meihin sie voit pyytää tulkkia joka on käytettävänä kun sie tulet käymhään.

## **BUP Stokholmista**

Stokholmin lasten ja nuorten psykiatri, BUP, on specialisti palvelu, joka on osana kansalista terveyspalvelua Stokholmin Läänissä.

Met tarjoama tukea ja hoitoa lapsile ja nuorile, jotka on 0 ja 17 vuositten välissä, ja jotka tarttevat specialisti psykiatrissa apua.

BUP Stokholmi on organiseerattu ja perustuu monesta paikalisesta klinikistä koko Stokholmin Läänissä. Net arvostelevat ja tarjoavat käsittelyä lapsile ja nuorile joila on vaihtelevia eri tyyppisiä psykiatrisia prupleemia. Met kans olema töissä aloila kuten tietojen levittämisessä, tutkimuksessa ja kehityksessä.

## **Sie olet tervetulonen othaan yhteyttä meihin**

Jos sie olet lapsi, nuori henkilö eli heitten huoltaja ja haluat päästä yhteytheen meitten kans? Sillon soita BUPn En väg in (Tie sisäle) numerola 08-123 524 50. Tämä on telefooninnumero mitä sie piät käyttää ensi kerran kun sie kontaktaat meitä. Sie saat yhteyttä meihin normaali arkipäivinä kello 08.00 ja 16.00 välilä.

Älä viivyttä ottaa yhteyttä meihin. Met tehemä parhaiman ette antaa sulle sitä ohjausta ja tukea mitä sie tarttet.

## **Tartetkos sie psykiatrissa hätäapua?**

BUPn hätäyksikkö hoitaa lapsia ja nuoria jotka on alle 18 vuotta ja asuvat Stokholmin Läänissä ja tarttevat psykiatrissa hätäapua illala, yön aikana eli viikonloppuina. Sie saatat tulla suorhaan meän tykö eli saa ohjauksen meihin jostaki meän paikalisista klinikistä eli tämän kautta: En väg in (Tie sisäle). Meilä on kans telefooni neuvottelupalvelua mihinkä sie voit soittaa apua hätätilantheessa.

Hätäpalvelun telefooninnumero on 08-123 669 00, ja sie voit soittaa numerhoon 24/7, siis vuorokauven ympäri aina. Katuosote on Sachsgatan 10, Södermalm, Stokholmi.

Jos sie olet jo potilas meän palvelussa ja tarttet lasten psykiatrissa hätäapua normaali kontturi aikoina, kello 08.00 ja 16.00 välissä, sillon sie piät ensin kontaktata klinikin missä sie olet potilas.